

رزاق المطيري

عطش روى

شعر شعبي عراقي

صدرت الطبعة الأولى في أغسطس 2019

بطاقة الكتاب

عش روحى	عنوان المؤلف
رزاق المطيرى	المؤلف
شعر شعبى عراقى	التصنيف
2019-15716	رقم الإيداع
978-977-6726-60-4	الترقيم الدولي
470 الطبعة الاولى اغسطس 2019	رقم الإصدار الداخلى
90 صفحة	عدد الصفحات
مؤسسة النيل والفرات	تصميم الغلاف

جميع حقوق الطبع والنشر محفوظة للمؤلف، ولا يحق لأى دار نشر طبع ونشر وتوزيع الكتاب أو ترجمته أو الاقتباس منه أو نشره على النت الا بموافقة كتابية وموثقة من المؤلف

مؤسسة النيل والفرات للطبع والنشر والتوزيع

ثورة مصرية تشرق إبداعاً على الوطن العربي

رئيس مجلس الإدارة

ناجى عبد المنعم



مؤسسة
النيل والفرات
للطباعة والنشر والتوزيع
أسسها الناشر ناجى عبد المنعم
حرام 2017

رفصة مزاولة مهنة: 58365 - سجل تجاري: - 13242 / 2017 - بطاقة ضريبية: 35-01-572

عضو عامل باتحاد الناشرين المصريين رقم 941 لسنة 2018

هاتف: 01011256943 - 01116202218 - 01202541192 تليفاكس: 020554372901

النيل والفرات nagyegy200064@gmail.com

[alnilwaalfourat](https://www.facebook.com/alnilwaalfourat) [alnilwaalfourat](https://www.instagram.com/alnilwaalfourat) alnilwaalfourat@gmail.com

المقر الرئيسي: ج.م.ع. محافظة الشرقية - العاشر من رمضان - مجاورة 13 - امام سنتر الـ13 - مقار 304

اهداء

إلى كل احبتي ومتذوقي
قصائدي وكتاباتي اضع
بين ايديكم ديواني
المواضع....عطش روعي
عسى ان تتمتعوا بقرائته
وينال رضاكم...
مع فائق تقديري

الشاعر
رزاق المطيري

المقدمة

كانت الفكرة بان تكتب او بالاحرى تختار
القصائد التي تتسم بطابع واقعي جميل
ويتذوقها ويتلذذ بها القراء
وتلك القصائد...هي من السهل الممتع المحبب
الى قلوب الناس
فيها الكثير من المفردات الوافعيه فهذه
القصائد..وضعت
وأعدت.. كمادة سهلة القراءة
لعامة الناس..
تحمل هذه القصائد في طياتها
مواضيع مطلقه ترش بمفرداتها
هواجس ومشاعر القاريء
وايضا فيها قصائد استنبطت من اهات
واوجاع واقع الحال

لقد تعاملت مع واقع الحال...والام
الهجر...والفراق....وايضا لامست فيها...الحن
والابتعاد...وحب الوطن...ونزف الدماء..والشهادة
فائق تقديري

الشاعر
رزاq المطيري

زرعتك .. بذر

تلكاني الك شمعة بظلام الليل
اورده انه بعطر فواح تلكاني
لو مرة علاك وطكك الموج
تلكاني الك سد ابخر اني
اني المارجع خطاري فد يوم
ذليل وبالكرم مفتوحه بيبياني
انه المارجع خطاري فد يوم
ذليل وبالكرم مفتوحه بيبياني
أني اللي ابد مانكست راس
دلالي ولا طفت نيران ديواني
أني اللي احملت طعنات الايام
لان اول اريدك ماتظل ثاني
من تعطش واشوف رايد الماي
تفيض عليك سيح تصير نهراي
زرعتك بذر وانتظر اتصير

وسكيتك دمع واتضمك اجفاني
عود انت الحلم وانتظره سنين
بيك الأمل خضرة تعود كيغاني
ردتك عون يبني تشيل الهموم
ونسه الصار بيه وانسه احزاني
كلشي حسبت يلراض النهيرين
بس ما حسبت بالغربه تنساني
انه الدونت اسمي التواريخ
مضروب المثل بيه التبر ترباني
رافع عارض مثل النخل فوك
وسهام ورمح بعيون عدواني
ردتك للجرح من يكبر تروف
تشل بأيد ردت وايد ترعاني
صح مطعون من عندي تسيل هموم
لجن شامخ يسلي الضيف فنجاني
حسبالي تحول نسمتي اشعار
ومن صوت الرياح تصوغلي الحاني
صعب توكف خصيمي وببيدك ارماع
تطغني وتريد اتكصلي ذرعاني

محتار العجب ماخذني وياك
ماهزك حنيني وريحة احضاني
مكصوص الجنج حسبالك وماطير
لتظن تنكسر فد يوم جنحاني
وظل أني العراق اني
علي الكرار والحسنين عنواني

أ.....أمي.....

فرحة عمري كله
امي.نور
أمي...
من عدهه الكمر ياخذ ضواه
أمي..
فرحتهه..دموع
امي.
ليل المسامر والشجون
امي..حلو
امي..احلى من الحلاة
امي..
لو انا طحت
كبلي تطيح
هيه..كعده أمي لو رادت تنام
كلب ابيض

عدهه...اصفه من الصفاة
امي..
ليه من الدمع صاغت لعب
شجرة..امي..بيها متنوعة الثمار
عطر امي عله الارص مامش سواه
امي..
ليلة والف ليله
امي..
هيه للقصص تنطي نصوص
وهيه بسمت
كل طفل بين الشفاة
امي..
تحت اقدامه الجنه تصير
امي..
من عدهه رضع حتى الصبر
امي
لغز..الساع محد عرف معناه

..... لاتخبي

لاتخبي ادري بجروحك غميجه
وادري جفئك ماغفه بعينك ملح
لاتعاني خلي صبرك ليك سلوة
ولاتبين انت مكسور الجرح
لاتبالي شما حجه الشامت يطيح
وابني للعذار من صبرك صرح
لاتخلي بصفتك تكصي الجروح
خلي صفاتك لغز ماتنشرح
أتحمل الالام سكته لاتصيح
وبين انت عله الوجه كلش سمح
عيب تجزع جرحك ودمعك يسيل
اه يحمل هذا طبع الينجرح
اخفي جرحك لاتورجه الكل غريب
من تورجه ايشجلك ابجرحك رمح
عليك يكثر لاتخليه الكلام

تدري مكسور النفس ماينصلح
أستقيم ايمشيك وبالك تطيح
تدري منك عثرة للشامت ربح
ادري كلبك معتم ولابس سواد
عيش حزنك داخلك واظهر فرح

....انت... هواي....

أنت... هواي
ماريدك... تصير وياي
دمعة.. نار عل وجنات
جسمي.. نحيل
مابي..
بعد عل اللوعات
يحمل اه
يسهر.... ليل
ضحكاته.. صفت شوغات
ابهجرك..
خاوة صوت الناي
اون وياه مامش صوت
يعزف اللي لحن الموت
عني النوم شد رحال
تعال واحكم عل الحال

مامش..حال بس جروح
دمعاتي..
صفت موال
تهيج كل جرح بالروح
ويزيد...النوح
وصيح...بصوت
يلجتال..
مر مرت فزع عل المات

....مادريتك....

انه... على فطره هويتك
بيه تكصي مادريتك
بيدي...
اخيظ شكوك هجرك
وانت..
متعمد اشوفك بيدك تكبر الفتك
عيب...كتك
فدوة...كتك
ماأريد تروح عني ونبتعد
كتك..
أكرب شوف جسمي..
شوف جمرك بيه يسعر
تدري...
من اهات حبك
صارت ضلوعي زرك

أه...يلكلك قساوة
راح...احسبك
جنت...ورده
ذبلت...ومات العرك
وراح..
احسبك...مطرة مرت
ولحن..
حبك زاح نغماته الرشك
راح...اتوب
وماأحبين....
وانثر..عيوني..ملح
حتى تبصر بس خيال
ومايمر ببها الجمال
ولاتفكر.....بالعشك

.....اوراق مكشوفه.....

مو كتمان طبعي وياك معروف
واوراقك الي واوراقي مكشوفه
موش اوكات وياك العمر ثلثين
بسمه انت بفرحتك وكلشي بطيوفه
انا وياك واحد موش شخصين
لو طكنه جرح اثنيه نروفه
خاويتك صدك بالروح اخاف عليك
ولو دادك تراهه الروح مجتوفه
اساجيك بدمع لو مر عطش بيك
وصيرلك نهر والماي وجروفه
للصاحب وفي بالمده سد وياه
ويلكاني بلم من تتعب جتوفه
اقسم بالمصطفى وسجاد والكرار
والمذبوح واللي مكطعة جفوفه
اخلى من كلب للخوة حد الموت

واقدر حالته واحسبته ظروفه
الصاحب من صدك ما بدله بالروح
ومتهزني عواصف واعلن بعوفه
ولا دير الوجه لو بيه عله الصوت
ولو حطني بحك شماتي سالوفه
احتاجه بوضع يوكفلي بالضيق
ويرفعلي بوكت وي سيفي سيوفه

حسيبتك فرح

نشوة تصيبك عجب
من تذر جرحي ملح
بجروحي تلعب صرت
اشكد انت قاسي او كح
خليت عمري رهن
يلحسيبتك فرح
عندي اثر فوك الوجن
لا... جذب... ماينمسح
وبيه اثر من عشرتك
كلي عله طولي جرح
لا لا بعد لاترد
ماتلكه مني الصفح
صح انه مملي عطف
وطبعي انه ديما سمح
بس لا بعد لا جذب
متشوف مني سفح

تلكاني ديما جبل
وي السحابة نطح
راح انسه ليل اليمر
واتغازل وي الصبح
ومن تشتهي الشوفتي
تلكاني عالي صرح

.....النيك.....

لو حجيت بصوت مسموع وسنع
هذا طبعي من الطفولة ومن صباي
انه ابدأ بالظهر ما حاجي يوم
الخوة غيره وحيل مغموسه بدماي
انه من تظلم يخى تلكاني فوك
الكمز نفسه هو يتباهه بضواي
من اوصاف الرجل يتحمل اوجاع
موش بطول جسمه الزبده بالراي
شما يعله ابد ماهزني يوم الصوت
موزلمه اللذي يحجي بكفائي
انه اول وابقه اول للمات
يصير كبلي شلون للعمره وراي
هذا اللي جنت سيح انه بظماه
وانه الدنيته فرحه وشمس وفياي
من عنده اجت مسمومه طغعات

طرحني ومواجه كلش هواي
ادرسته بصبر عدته انه مرات
مو صاحب تراهو وموش وفاي
الدنيه من تغيم تفرح الكاع
لان عدهه امل يشبكهه ماي
انه مونزيك اريدك بس خراب
انه ردتك نجمه وتجمل سماي
الفخر الهه النخله مرفوعه الركاب
شلون ترضه الروح انزل مستواي

...يمته...تعود...

يلمتانك...
يمته..تعود..
ماتدري..بغياك...
صرت..عود..
يمته..تعود
وسولفك..سوائف بيه
عندي...شهود..
شتلتك...وسط هاي الروح
يلغالي..
خضارك..من ماموجود
متى كلي ترجع بسمة شفائي
ومتى عودي يخضر يزهي ورود
يمته...تعود
يلكلشي اللي بدنياي
بعذك..كل فرح مفكود

لاناي اليهيد جروح

لانعمة حزن لاعود

يمته....تعود

ماتدري..

النهر..لوجف تموت اشجار

وانه بلياك...

صبخة كاع عليه بفيض

طك..بمايك..وجود

يمته....تعود

وتفرح كلب ولهان

تجليله ليالي السود

يمته...تعود

احلفك....حيل..بالمعبود

ماطول....النفس بالروح

يعني..شخصك....الموجود

.....مدمن...سفر.....

أنا مناظر عمر بلكن تمر طيف
واشكيكك جثيرة بكلي لوعات
واشوفك جم جرح ينزف بالضلوع
خاويته وصفت لحظاتي شوغات
اضحك بالجذب ما بين هموم
بس حسره والم بكليبي تبات
يلعني رحت جاو بني ارجوك
هم مثلي تعيش بحسره واها
ملت الهجر ملت الافراك
خلص هل عمر وياك حسابات
يلماخذ حنيني وطعم الايام
يسألوني وجوابي عليك دمعات
يلمالك منامي وصفت الليل
تعال تورجت علحال شمات
صبر يطحن صبر ما ظل صبر دوم

تهت وتيهت والمرسه صفات
المن اشتكى واكشفه الجروح
من يسمع بعد جلماتي خرسات
صرت مدمن سفر بلكن الاكيك
تعال ارجوك ملنتي المحطات
تعال الشوفتك حيل انه ملهوف
يلكله الك عمري الجاي والقات
موكافي تعال وشوفني شلون
صغت من الدمع للملكه شمعات

.....اصلك...طين... ..

ياحيف اصبحت للدوني كله تكوم
نكرت كل شرع وانجست النصين
منه تكبرت وتريد هيه تشيخ
منه للخمر علت دواوين
تيهنه الحجي ضاع الصواب وياه
وتركنه العدل صار التبع للشين
وكت وتغيرت ببه التقاليد
منكورة الاخوة بكل صلاحة عي
صارت للطمع تلتم اهي الصحبان
لو جيبك فرغ محد يعرفك وين
يبين بالوجه حب اوفه واخلاص
ويطعنك بالظهر وينبت السجين
يكطرنك عسل بمسامره وممشاه
وطبعه وشيمته بحجاية الوجهين
احذى صاحبك من يبتسم وياك

تبين للسبع عند الغضب نابين
يمن غم البشرها بالمرض لوطاح
يدل بساعته ويصيح هذا منين
يقن واعتقد ماتخذ بدنياك
حسن سيرتك وانظر وراك البين
مو اصلك تراب اتدوس كلهه عليك
واتلاته التراب يواسد الخدين

...طبعك مو مثل طبعي...

ربيت وياك حفته سنين موش ايام
وعرفت هواي طبعك وعرفت طبعي
صرت اويك بير الجمع الاسرار
لاعين التشوف ولا دخل سمعي
انه الصحبتك قسيس والروحان
كبل ماتهل عينك دم يهل دمعي
جنت وياك سد ومايهزه الروح
ولجلك بالعر ذاب وخفت شمعي
خليتك صديجي لاولي ولتلاي
وتركت الجميع وخاصمت ربعي
ثاريك اطلعت بذات بس السان
ممللي من الحقد ودور بصفعي
اليسديلك فضل صرت الفضل تنساه
وكل اللي تحرم صار الك شرعي
كثرت الحجى بالظهر والطعنات

وكسر خلّيت مايتجبر بضلعي
عرفت الشكوك اتدور بيك هوايه
شبه نبعك تبين والتبر نبعي
روح بعيد ماريدك بعد وياي
يلن طبعك خيانه ومو مثل طبعي

... ما أنساك ...

بعدني....وياك

ما انساك..

اشتاك..

الك حيل وحيل

وترجاك...

تعصرني...

محبتك واسهر الليل

وتامل شهد بهواك

ما أنساك

من طبع المحب..

يترافك وي الاله

واحمل جرح بالهجران

ما انساك

افكر بيك...ليل نهار

بلساني...يلج طرواك

مأنساك

دمعة ليل..وي الروح
تروف...تريد بيه جروح
معصوره...وتود ملكاك

مأنساك

لابد...ماتمرني بيوم
تجيني محمل هموم
مامش جسد بس هدوم
تبجي...بدمع
تصرخ....حيل
البيه...الم..من فركاك

مانساك

غريب... اطوار..

اتحب الكمر لئك غريب اطوار
منهو البلخك رافك طيور الصاف
نسمع بالحجي هن بسمه معليات
وجذاب الوصف الهن شكل والشاف
ظل الحك وهم يلعاشك ونوح
جميلة بلا ثمر هي شجرة الصفصاف
اليتبع وهم ايظل بوهم دوم
لا طال اليريده ولا جرحه ينراف
يبين كمر بنص الشهر معلوم
يجليلك ظلام المن انت تخاف
لون الكمر هو ابيض من الفوك
والباطن ابد ماوصفته اوصاف
مغشوشه العيون بلونه لون الطيف
جثير من الزلم بسد الكمر تنحاف
الماعنده دراية ابطبعه مكروود

يضيع واسف تحت القدم ينداف
لاتنغر يخايب واحذر اردود
واخذ وصفة طبيبك واعتني العراف
لون الكمر لون التراب وزود
بس ضوء الشمس هو المنه ينشاف
.....خليتك ...امل...

تحملتك جرح مفتوح صار سنين
ردتك بس تشل وتغير البلحال
لامرهم جبت لارفت شديت
تضمنني بملح متقصد الاهمال
خليتك امل واحلامي بيك اتدور
صغتك بالكلب غنوه وبنيت امال
والحاني دمعتي وحسرت الليل
ومكالب تراني الليل جتال
تتمرجح عليه افكار لاهي افكار
واحس بحشاي دبجة وصوت مهوال
متاسف غرامي والتعب ذاك
يلبروح بانيلك عشك تمثال
حبيتك صدك فضلتك عله الروح

وانتظرك صرت للروح دوم هلال
شاكتب شاوصف بيك محتار
ياجلمة التلوك عليك تنكال
سجاجينك مجمنه اتكص الضلوع
واشوف سهام غدرك مطر تنهال
الطلع منك قليل محمل سموم
واظن عندك جثير المخفي مابان

واقع حال

تتستر صفت هلناس
باسم المصطفى ودينه
وتعلم البستمع
احكام لون تترقه المنبر
ياحلو الطباع وزين
كلام اليطلع موزنه
شبيه اتكول من توصف
ملاك وبالوصف اكثر
خل نكشف كسيف الحال
والمضموم خل بيان
وخل تعرف جميع الناس
من بالدين يتستر
ياعالم فته الفرهود
حلال يصير ومشرعه
بوك وخمس ويقن

تحله ويحله المعشر
محشومه المراجع لا
همه امل كل امه
لاجن خسة العالم
هيه الظلت تفسر
جروح هواي مالومات
بينه مخزنه وتدي
حجي الشمات يلجمهه
ريت العمر لو كصر
جروحي كبرت وتدي
بيجي الوطن وينادي
رايد للجرح تضميد
وينه البيكم الينغر
العراق مكسر الجنحان
واهله التنتف بريشه
صرنه افيلح وصره
حيايه عله الاهل نشمر
وين النخوه والغيره
احنه التنتصف بيهه

وطبعنه الفرعه والعونه
حيف عله الالم نصبر
وين الروج يالنهرين
خل مدجن يطيح بناس
خطجن بالجنح جبريل
عيب الماي من يجزر
التنهض بالحمل اهله
هذا البلخك معروف
احنه كلبنه الايه
صرنه وبالبلد ننخر
احنه البلشجاعه نسور
انه وشاهد التاريخ
حسافه البينه جان يلود
سهامه عليه تتصدر
خل انلم شملنه اردود
ننسه الفات ياخوتي
خل نمشي بظلام الليل
عالعاكول خل انظر
خل نرحف عله الرجلين

دم يسيل خل ايخر
خل مره نصير ارجال
نتعاهد عله الوحده
عدونه الجاي للمالات
من تحمه جذب يصبر
نتذكر ذبيح الدين
احنه ونمشي بدربه
بينه اليحمل الطغات
بينه عله الجرح يعبر
ظلام الليل هالمعتم
لابد نطلع بصبحة
سهاره عيونه مم سنين
تفرح بالصبح لو طر
ندك الساس عل مكشوف
كله اتشارك ابدكه
ولون اصبع يخالف ايد
مانندم لون يبتر

لا تعجب... يا وطن

تبدل هلوكت كامت تصيح الناس
وهو ثابت وكتنه النفس بغيار
صفينه بلا فكر والعقل مذهبول
واحنه اهل البلد واصبحنه خطر
ششرح ياوطن كلي شسولف ليك
وحق المصطفى وكرار محتار
اخبرك ياوطن عن ناسك البيك
لان عنك جثيره المخفيه اسرار
من جرحك كبر ردت اليشل ويروف
الكل تبرت مادم عليك الفار
مابيك البعد يعرك جبينه عليك
ولا نفسه التهزه عليك ويغار
تدث انت عليه بذاك صيهود
وسماك عله الاهل دوم بخير مطار
مثل حسين انت وحيد ظليت

بالساحة وكف مامش اله انصار
من عدهم عليك الصارت عيون
من عدهم تفاخر واشتغل سمسار
غشينه العقيده ولذنه بارده الناس
وصبغ الغش وكع والبان زنجار
لاتعجب ياوطن رايح تشوف اشكال
لاتعجب من نخلي بركبتك منشار
لاتعجب بالرجل لو داست عليك
ثوب الغش لبسنه مرقط بعار
نذكر فاطمه وعصرتها بالباب
سكتنه الضلع من طكه بسمار
وسكتنه بعطش من ذبحو حسين
وسكتنه ابخيم من شبو النار
حكك ياوطن من تنعه ابو الجون
هز انكلترا بالفاله والمكوار
لتظن ياوطن بينه بعد شعلان
كله تغيرت واتسمت ابدولار

مارايد... تجيني...

انشف دمعتي
بحساب النجوم
وصيرن
بالسهر عل كمر خطار
عله..
النجمه سألته الصافه وياه
تنهد...
وابتسم بي شعت أنوار
رد ابصوت
احبهه وكال مجنون
واختل...
بالوزن لو بعدت أشبار
رجعني
الصفنتي ونار العيون
وبين...

عل وجن مرسومة الانهار
راح بيان
كلشي عليه مضموم
وعن حبك
اظن ينزاح الاستار
مارايد
تجيني وتحجي وياي
ولارايد
تجي وتقدم الاعذار
صح
انه بغياك احمل الاله
لكن
ابتعد واتحمل النار
اخاوي الليل
من بعدك واحاجيه
ادريبه وفي
لهمومي ستار
اكلبته عله
كيفي شلون مارايد

ويكتمه
جذب ماياحلي اسرار
راح ابعء
واجافي واحمل هموم
مو كافي
هجر.... ملئت الادوار

شنسه.....منك

اترك.....اترك
لاتسوف...بالي راح
ولاتتعب...صوتك
يجرحه الصياح
راح وكتي وياك
مامش كل سماح
راح أسدن
بابي عنك
راح اصد
شما علت منك رياح
انه مولعبة بايديك
بعد ماصدك حجيك
مايهزني...
شما كثر
يمي بجيك

بكلبي مالك
كل مكان
ومايحن
صدك عليك
شنسسسه...منك
تكدر..
ترجعلي... عمري
تكدر..
ترجعلي... حيلي
شنسسسه...منك
سهر... ليلى
كلمة الاله وي ويلى
شنسسسه...منك
عمر شايل
انه همي... وفوكه همك
شنسسسه...منك
يللى.. مافرحني
مره.. وشفته سنك
موش...الك... فزيت

صدك... لا يروح
بعيد... ظنك
بيا وجه
راجلي انت
جاي...
شايلى دموعك
وبيك... اشوفن
ردة... جنك
يللي ماخذ
طبع... ثعلب
ليك... كلي
اشلون.. اعود
كلبي....
مامحتاج
بسمة... لوعة منك

عيش... عمرك...

لا تفكر....

باللي....

باعك..

ونسه... كاصي

وياك.. ليك

لا تبيعه...

وخلي..

يتجدد... هواك

لا تحير...

حير...

انت..... الحيراك

خلي....

روحك دوم شمعه

خلي...

ناسك..

تجلي ظلمتهه بضواك
عيش... عمرك
واليحبك
ثق..
يجيك
لا ترخص
دمعتك.. خليهه ماس
وشوف..
كاع.. الخصبه
من..
تشتل.... نواك
امسح...
دموعك.... باديك
وعيب..
علعافك.... تصب
خلي..
روحك...
دوم طير..
واملي الدنيا بغناك

خلي..
روحك
دوم.....ريح
اتجيب....
نسمات الغرام
الكلهه....شوك
وانت....سوك
خلي...
روحك بيك ينباع الوفه
وخلي..
يسهر...بالندم
ليله....السهراك

جرحك....مانشف

بع ماريد
اذكرك.....وابجي عليك
لان...وسفه
عليك تسيل دمعاتي
حرام سنين
بالغس....خلصن وياك
ونذبحن...صبر
وياك.....لحظاتي
جرحك...
مانشف
ازمن.....بالضلوع
وتيزاب..
احس بحشاي وناتي
صارتلي..
طبع الونه بسكوت

ومل مني...
الصبر... واشتكت اهاتي
ما ادري عشرتك
تصبح..... هموم
وبعز..
الظهر... راوتني.... نجماتي
خلتني
محبتك... ناشف الريح
ولبستني..
اسف صارت طبع صفناتي
صرت
انت بحر
بيك..... انه بلام
وي..
مدك اكابر
ضاع..... مرساتي

عليه غصين فاركيتك

انته فرحة عمري كلهه
وانت بيتي وانه بيتك
جذب مره عليه
تبخل لورجيتك
انت تاريخ وحضاره
عله النجم متعلي صييتك
انه من دمعي صغتك
بكلبي صوره واطريتك
انه منثوم بهجرتك
وين اروحا من خطيتك
انت صح بعيد عني
وياي عايش مانسيتك
انت قران بغربتي
بصوت يحزن رتيلتك
انه بالغربه حزين

اشكذ بجيتك
انه بالمر
والله عايش من جفيتك
انه بيك
ومنك انه وتيهيتك
احسب انهارك جثيرة
وانه عطشان بثيتك
جنت بيك
عليك ادور مالكيك
الطيب اسمك ياعراق
واسمي نابع من هويتك
اشتهيتك وانت تدري
عليه غصبن فاركيك

ياوطن.. باعوك...

اشتامل ياوطن
من ناسك وترجاه
ثلث الباعتك
وتفكر الثلثين
ناسك باعتك
وبورقة الدولار
وهيه النبتت ابظهرك السجين
بيك تعلمت
ياوطن للفرهود
وعرضت تربتك
وسفه بمزاد البين
الماعنده وطن
يتشبه بعريان
وياهو البلعره
يتستر بايدين

لاذمة البقت
عد ناسك ولاطيب
ونمسخت اسف
وتحلت بوجهين
فز يلعراقي
واصرخ بصوت
خل صوتك
يرن ويوعي الصوبين
بطل نومتك
حرك ضميرك عاد
واختل بالنفس
واغسله بالشطين
الك يشهد جثير
وكاتب التاريخ
تنهض عيد بيهم
ثورة العشرين
مو انتة العراقي
الماتدتك الهام
ولاغذله ابد

ماغمضت عين
مابينه اليفضل
علوطن مالات
ولا بينه اليكشر
علاهل نايبين
العراقي شهم
مجرب ومعروف
بالشدة جبل
ميهزه مد بحرين
العراقي الاصل
غيره وعزم تلكاه
بالصنكر اهو
يجتفهن الرجلين
بتراب الوطن
نقسم قسمنه ردود
انعيد البسمله
الفاركهه من سنين
حلت هلوطن
من دمنه نهران

خل نصوغله
ونمزجهه بالطين
واليغدر هله
بساعة وزه ونكبات
اكلاده الركبته
نخليهن الجفين
واليصافح اجنبي
من العجر ملفاه
وطبعة وشيمته
من هزت الجتفين

طبعك... غريب..

مو.....انت
العرفتك
صارلي.....سنين
شو...
طبعك
غريب.....وماعرفتك
مو ذاك...
امن...اطيحن
اول.....الكاه
يتجيلي...
ويكلي..
انه.....سندك
طبعك..
موش.....الأول
جذب...هيهات

متغير...
عليه...
هوايه.....طبعك
انت..
موش..انت
مضيع.....شبيك
مسح....طبع
الشفاف
ليش...خدك
نسيت....ثلون
بايدي
تبوس....بروح
ونسه...
بجفي...يذوب
ثلون.....جفك
حبيتك...نبض
للروح.....واحساس

وبين..... احشاي
عائش..
صرت..... احسك
دمعك....
من يسيل
بكلبي..... بركان
واحس..
الكون يزعل
حيل..... لجلك.....

نويت.....اتروح

اتذكر عشرتي وياك

يلملكاك

مني يشيل

حفته.....جروح

شك...

بالهجر يلخذت

كلمي.....وياك

أترجاك...

ظل..وياي

عيد.....

ايفرح الصيام

الليل.....اينام

وانت.....تنام

وانه

ابين واهس

جيتك... واوهام
ماظل..
شي... بعد وياك
بس احلام
كل جرح
التجرحه
احتفظ.. بيه وسام
شتمل.. حبيبي
ياجرح... بهواك
جرح
السنه
جرح.... العام
ماردتك
تصير.... سهام
صرت.... سيوف
وانه ابين
بعدك

والهجر.....والخوف
جروحي
اهواي
طبعك ماتعرف تروف
وانت...
تشوف...
دمعي شلون
صاير...لون يحني جفوف
انت..هواي
ماردتك..
تصير...الداي
وتخلي
الرمح بجلاي
وتخلي
الروح صبخة تصير
مايلحك
عليه.....الماي

علي...بهداي...لاتقسي
وابارك
لو ردت ترسي
بس هيهات
يلسفان
بلمك
من زمن معيوب
وانت ابحر
ماله دروب
سراب البحر
انت....تشوف
موش
تشوف ذاك الصوب

طبع... الشمع

انت ادره
الناس... بيه
ابكلامي..
أشكد... صريح
روحي..
من بعدك
حزينه..
وكلبي
من بعدك
جريح..
أني... متعود
عله... أسمك
الهج
ابطيفي.... اصيح
جان..

اسمك
ليه... نغمه
اه
من كلبى
تزيح..
انى ذبلان
بمحبتك..
وعودى..... نحلان
وطريح..
انه....
اقسم... بالاله
وبمحمد
والمسيح
انه..... راح
انسه.... زمان
وانسه
مر بيه هواك

وانسه
عمرى....الجان
ببذك..
لعبه...يتبع
كل...خطاك
وانسه
عقلى....التيهته
وين...
ماكتلى....وراك
جنت
ليه...بدر عالي
منور..
العمرى.....ضواك
وانى....الك
بالفوك.....نجمه
مضويه..
بالظلمه.....سماك

كلي...
مالك يا حبيبي
كلي...
أشبيك..... أشدهاك
أنت..
لتظن عل طبيعه
غيرك.... وماكو سواك
انت مغرور
بجمالك
انت تتباهه
بصباك
لا تظن....
فد يوم مني
ليك... ارد
واطلب..... رضاك
انت.... مو طبعي
يخايب

انه....وفاي الطبع

شبه نبعك

هلتين

واني من تبر النبع

روح دور

غيري انت

مثلك

هوايه.....ربع

وراح اظن

وابقى انه

طبعي

من

طبع

الشمع

ما ريدك... تجيني...

كافي
ماريدك.....تجيني
ولاتمر...
مره عله بالي
راح اطوي
سنين حبك
وانسه كل ذيج الليالي
وانسه...
يامه انهار لجك
عل وجن
دمعي كراي
من عرفتك
عيني...سهرت
دمعة.....سالت
يامه ليلى اشكد بجالي

جفني.....وغفالي
ابحبك....انه
شموع....وكتي
اشكد.....ضوالي
ومن جفيت
اشكد اللي
ماجان...شاعل
ابكدهن
واكثر
طفالي

كلبي معلم النوح..

صرت...مدمن...

عليك..

وهسه ناوي تروح

جا...روحي

بغياك

بيش.....الهيئه

معقوله...تفكر..

تملي.

كلبي....جروح.

فجرهه...نون

وياي.....ناويهه

تره ماخاف

كلبي

معلم...النوح

ودروب...

الدمع
والاهات
ماشيهه
صدكني....بغيايك
نيمت
حتى....الليل
وعيون
الصبح
ظليت اخاويهه
افضحهه
لون.....غايات
عندي....وياك
وكشفهه
لعد
الناس
وحجيهه
هم....شايف

نخل
الفلاحه دنك هام
ويانهر
النشف كيغان يروييه
اخاف عليك
من.....تكتم
همومك....صوت
ابحر
بالجروح
وبيه
رسيهه
هم....شاييف
جرح
تنولد منه جروح
جرحي..
انه جبير
وكلهه.....حاوييه

جميله
الكاع
خضرة تصير معلوم
من يعله
الجرف
بالماي.....شاطيهه

ثورة..... أحساس..

شوصفلك

حبيبي هوايه مشتاك

لهفتي

عليك ثورة

وبيش.....تنقاس

شما

تبعد احسك

عايش....وياي

ابد متموت

تحله

شجرة.....الياس

بنشوة

انه احس

لو مرني طرواك

تفوق

اضعاف يقن
نشوت.....الكاس
ورد
شوكي يكلب
صفت.....الليل
صرت اشهك
باسمك
وي الانفاس
انه
ماريد اجذب
واخفي الاشواك
لو مالشمس
ابد مايسطع
الماس
احسنه بدونك
ظلمة دنياي
عليك

ابهلکلب
بي ثورة احساس
ماکک
احبک کلمة
السان
ولا عني ابمحبتيک
تسال الناس
مثل
شجرة يبست
منتظره الامطار
لو مارواهه
تصير
حک الفاس
مهو کلبی
بمحبتيک
صار بستان
مملی

من العطر
وورود نسناس
مو كافي
بعد ارح
تعال وشوف
مو هجر ك
كتلني وشيب الراس

صارن....جثيران

كلي شلون
ام المات
ترتاح
عكب الصار
كلي
شلون اواسيهه
اطفال
بلمس الفراش ياناس
بعمر
الورد
تذبل من احاجيهه
من رب
العرش سر الحياة بيك
هاي افضل
صفه ياماي حاويهه

بيك الكاع
تخضر
تنكلب واحات
من موت
ويبس ياماي تحييه
شو دجله
عكس
صاير هواها الموت
بس تخطف
ورد
وكلوب تجويه
حسنهم
كلب لون
الماي يعراق
انهار
وصفت لون الطيف جاليه
هاي

اطفال ماتحمل
غياهب موت
جا..مايجت
دجله وحتت عليه
روحي مجرحه
وصارن جثيرات
وينه
المنصديك يفرع يداويهه
تعال
اسمع قصصنه
الوان واشكال
وي النبض
بالشريان تليكهه
انشكت
راكده
مو سهل تنراف
المن

ياوطن
هلاه
نشكيهه

الشاعر فى سطور



رزاق كاظم جواد الكناني
لقبت ..بالمطيري لمنطقة سكناي
وما كان لنا تواصل مشترك وارضنا
مع عشيرة المطيرات....وقد كانوا نعم الاخوة..
تولد..1969

خريج..معهد صناعي
كتبت الشعر مطلع الثمانينات
وخاصة بعد استشهاد اخي الكبير
في معركة القادسية مع ايران
تاثرت كثيرا بشعراء مدينتي الكبار
امثال حمد الزركان...عودة المسعد

منه صالح المله حثيل وغيرهم ...
سوق الشيوخ.. اصل الكلمة الجميلة..
وايضا في التسعينات..... كنا مجموعة جميلة..... نقيم
الاماسي
والجلسات الادبيه والمهرجانات
اذكر منهم.... الشاعر كاظم غميس الحمداني.... والشاعر
عدنان الغزي
والشاعر.. حسين الشميساوي
والكثير...
دخلت ضمن منتدى المنبر الحسيني...
وكنت عضوا فيه ومن المؤسسين له
احد اعضاء تجمع وكتاب الادب الشعبي في العراق..
واحد مؤسسين منتدى فيض المشاعر الادبي.. وعضو
هيئه اداريه
اكتب الشعر.. بانواعه... الابوذيه
الدارمي.... الغزل... الحسيني... لي كثيرا من
المشاركات.. المحليه.. واغلب الحضور في الاماسي
والمهرجانات....

محتوى الكتاب

2	بطاقة الكتاب
3	إهداء
4	مقدمة
6	زرعتك بذر
9	أ أمى
11	لا تخبى
13	إنت هواى
15	ما دريتك
17	أوراق مكتوفة
19	حسيبتك فرح
21	النيزك
23	ييمته .. تعود
25	مدمن سفر
27	أصلك طين
29	طبعك مو مثل طبعى
31	ما أنساك
33	غريب أطوار
36	واقع حال

40	لا تعجب يا وطن
42	ما رايد تجينى
45	شنسه منك
48	عبش عمرك
51	جرحك ما نشف
53	عليه غصبن فركيك
55	يا وطن باعوك
62	نويت اتروح
66	طبع الشمع
71	ماريدك تجينى
74	كلبى معلم النوح
78	ثورة إحساس
82	صارن جثيران
86	الشاعر فى سطور
88	محتوى الكتاب